



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-_____/14
Datum: ____2016. godine

PRIJEDLOG

Na osnovu člana 13. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj 22/06 i 22/09), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj ____sjednici održanoj dana ____2016. godine donosi

ODLUKU

o izmjenama i dopunama Odluke o općinskim administrativnim taksama i naknadama

Član 1.

Ovom Odlukom vrše se izmjene i dopune Odluke o općinskim administrativnim taksama i naknadama ("Službeni glasnik Općine Tešanj" broj 1/14 i 6/15) u članu 10. stav 2. mijenja se i glasi: "Slučajevi oslobađanja od plaćanja taksami ne odnose se na oslobađanja od plaćanja naknada", a stav 3. se briše.

Član 2.

U Tarifniku broj 1. mijenja se tačka 10. i dodaje se nova tačka 18. koje glase:

	TARIFNIK BROJ 1	TAKSA (KM)
10	Ovjera kopije dokumenta, potpisa, izjava, potvrda, rukopisa i prepisa (ako se ovjera vrši u više primjeraka svaki naredni list je 1 KM)	2
18	Zahtjev za promjenu prezimena (ličnog imena) nakon razvoda braka	10

Član 3.

U Tarifniku broj 2. dodaje se nova tačka 42. koja glasi:

	TARIFNIK BROJ 2	TAKSA (KM)
10	Zahtjev za izdavanje saglasnosti na projektnu dokumentaciju za elektroenergetske objekte	2

Postojeća tačka "42 NAKNADE", postaje tačka 43. i sve naredne tačke u nizu "43-50" se mijenjaju u tačke "44-51".

Član 4.

U Tarifniku broj 3. briše se tačka 7. koja je glasila "Naknada za izradu i postavljanje kućnog broja – 15 KM".

Član 5.

Ova odluka stupa na snagu narednog dana od dana objavljivanja u "Službenom glasniku Općine Tešanj".

PREDSJEDAVAJUĆI VIJEĆA

Senad Subašić, dipl. ekonomista

OBRAZLOŽENJE

PRAVNI OSNOV

- član 13. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj: 22/06 i 22/09),
- član 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06) i
- član 14. Statuta Općine Tešanj ("Službeni glasnik Općine Tešanj" broj 11/07).

RAZLOZI ZA DONOŠENJE

Izmjene i dopune koje su predviđene ovom Odlukom predlažu se iz ukazanih potreba za funkcionalnijom primjenom Odluke, kao i zbog zakonskih odredbi i novih okolnosti.

Nadležna općinska služba provodi postupke promjene ličnog imena, odnosno prezimena nakon razvoda braka. Ovaj postupak se provodi isključivo po zahtjevu stranke iza kojeg slijedi niz radnji i promjena podataka u matičnim knjigama, te s tim u vezi određuje se taksa u iznosu od 10 KM za ove postupke.

Članom 101. Zakona o električnoj energiji u Federaciji Bosni i Hercegovini ("Službene novine FBiH", broj: 66/13) propisano je da je investitor elektroenergetskih objekata i postrojenja dužan u postupku pribavljanja rješenja o odobrenju za građenje objekata i postrojenja (koja su u nadležnosti Općine Tešanj), dostaviti projektnu dokumentaciju nadležnoj općinskoj službi za energiju, koja svojim aktom, utvrđuje usklađenost dokumentacije sa ovim zakonom i drugim propisima. U cilju rješavanja pristiglih zahtjeva za izdavanje odobrenja za gradnju elektroenergetskih objekata a koji ne mogu biti okončani do izdavanja saglasnosti na projektnu dokumentaciju, Služba za finansije, privredu, komunalne i inspeksijske poslove kao organ nadležan za energiju, ima obavezu u okviru svojih nadležnosti ustrojiti uvođenje novog procesa obrade zahtjeva za izdavanje saglasnosti na projektnu dokumentaciju za izgradnju elektroenergetskih objekata. Ranije su zahtjevi rješavani u drugim institucijama, ali je prema Uputstvu Ministarstva za privredu ZDK iz novembra 2015. godine Općina Tešanj pripremila potrebnu dokumentaciju kojom uvodi obradu nove vrste zahtjeva, te izradila uputstvo kojim je utvrđena procedura izdavanja saglasnosti, učesnici u ovom procesu kao i dokumenta potrebna za realizaciju ovog procesa. Realizacija ovog procesa zahtjevala je i izmjenu Odluke o općinskim administrativnim taksama, odnosno uvođenje nove takse. Naknada od 150 KM predstavlja naknadu za rad Komisije i naknadu za Budžet Općine Tešanj. Tri člana Komisije se biraju sa Liste stručnih lica koja ispunjavaju uslove za tehnički pregled građevina i svakom članu Komisije pripada naknada u iznosu od 30 KM.

Općina Tešanj je u svojoj odluci predvidjela naknadu za izradu i postavljanje kućnog broja, ali je u međuvremenu došlo do promjene načina finansiranja uspostavljanja adresnog registra. Većina sredstava je obezbijedena od strane donatora, a preostali dio sredstava je obezbijeden Budžetom Općine Tešanj. Na taj način stvorena je mogućnost da se građani oslobode od plaćanja ove naknade, te se ovim prijedlogom ukida naknada od 15 KM.

Ostale izmjene i dopune se predlažu kako bi se olakšala primjena Odluke o općinskim administrativnim taksama i naknadama te otklonile nejasnoće kod primjene Odluke.

Dostavljeno:

1. Općinsko vijeće
2. Arhiva

OBRAĐIVAČ

Služba za boračko-invalidsku
zaštitu i opću upravu

PREDLAGAČ

OPĆINSKI NAČELNIK

Sabahudin Omerbašić, profesor

mr.sci. Suad Huskić, profesor

Broj: 02-02-1-2669-9/13

Datum: 16.2.2016. godine